



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二一八

何端簡公集十二卷（文集八卷詩集四卷）首一卷 何世璠撰

一

朱止泉先生文集八卷 朱澤澐撰

一九五

朱止泉先生外集五卷 朱澤澐撰

三二三

滋蘭堂集十四卷（文集四卷詩集十卷） 沈元滄撰

三九一

雲川閣集十四卷 杜詔撰

五二九

道光甲辰中秋醵

何端簡公集

澹志堂藏板

序

理學而兼事功者三代而後難其人也功名之士既
跡地而不檢修謹之備復迂緩而不情幸而有太儒
出其間則又困頓厄塞不獲出所學以表見於世其
兼而有之者吾於宋得文正范公於
國朝得新城端簡何公焉我

朝當

聖祖

世宗之際名臣相望軼乎前古公於是時迺赫然以

何端簡公集

序

事功著公固儒者也幼時慕范文正之爲人有願學
未能之語及其規畫一如文正被服儒素而卒以功
名自顯儒者固不測哉公以御史言事受知

世宗擢至開府中間視學浙右以通經學古勵士士
咸知自奮蓋如文正在太學時其轉運江淮也奉
命賑饑活者亡算蓋如文正安撫東南及其撫黔也
建改土之議開八萬之寨佐鄂文端以靖諸苗知張
廣泗之才而委任之苗頑底定公之功爲多昔文正
經略西夏城青澗復永平等寨士勇邊實屹爲重鎮

又識狄武襄於行伍世咸以爲知人兩公以儒者任軍旅事迺其應變料敵如出一轍雖老於行軍者自謂弗如豈猶貌爲儒者之繩尺步趨驟無所施用哉方范公遭遇仁宗入參政事可謂極不世之遇矣然以賢奸雜用之故屢起屢仆一日不得安於朝公則受

世宗特達之知終始眷倚

恩禮弗少衰公墓文正而所遭之時則過之惜公以總制終而不獲參大政也余前在史館讀公傳而慕何端簡公集

序

之及守濟郡因緣得見公集凡雜體文若干篇詩若干首皆其元孫承壯手輯殘闕無卷帙蓋公之詩文佚者多矣然當時新城王文簡公天下之所稱能詩者也見公詩而奇賞之安溪李文貞公天下之所稱能文者也得公文而驚異之余雖不獲窺其全而卽二公之所嘉與亦足以見公之詩文力追古作者而與之上下無疑也昔蘇文忠序文正遺集深以挂名于文字中自託門下士之末爲幸余謫陋固萬萬不敢望文忠而公則文正公之亞也自司諫至開府勳

業官爵兩公頗相似況以理學而兼事功卓然以聖賢之道措諸天下哉余生晚恨不識公今幸守公鄉里獲挂名遺集以自託不朽蓋有餘榮焉爰報其事之大者載于篇而述其梗概如此

道光十有三年癸巳夏六月望日

賜進士出身中憲大夫分巡雲南清軍鹽法道前知山東濟南府事翰林院編修廣西福建湖北主考官提督湖北學政館後學王贈芳拜撰

何端簡公集

序

三



序

古人以立德立功立言爲三不朽三者兼備難矣山左爲人文之藪鴻儒名宦代不乏人在我

朝康熙雍正間則新城何鐵山先生其首數也先生之碩德豐功昭於

國史傳之家乘先生之言則著於是編者也今讀先生之書味先生之言直而溫婉而摯又何其粹而精也由家修而廷獻由司鐸而開府所言皆明體達用秩秩其音而于子臣弟友之道肫然無不盡國計民

何端簡公集

序

四

生之大措焉而裕如大抵先生之學本於誠意不欺而又湛深於經術浸淫於諸子百家出爲希世之業以傳於不朽安溪李文貞公稱先生爲理學斯語當矣至於奏章文記之發爲詩歌是皆先生抒其至性至情而作允有合於溫柔敦厚之旨新城王文簡公壇坫風雅爲一代宗匠評先生之詩曰妙出天然夫天然者本於天性不事雕飾於先生之詩深有契焉噫先生其真不朽也哉予濫叨館職與先生相去百餘年步塵而趨所學不逮今幸監司東魯係先生系

梓地從而留心文獻景仰前徽固嚮往於先生者久矣先生之元孫承壯嘗以通家禮往來今秋在歷下權運策適先生之來孫道發來謁手示斯卷欣然壯誦之并繫以言以誌私淑而非有當於先生之高深也昔道光癸卯閏七月之望後學陳功拜撰

何端簡公集

序

五

序

甲辰秋冠縣廩生趙汝毅謁予於濟南試院手何端簡公集請予序卒卒未有以應也今年五月按試登萊諸郡歸公來孫道凝復抱公集以請伏念公致君澤民

國史載之立品行事

聖主褒之何藉區區之集以傳雖然公不藉集以傳而公之致君澤民立品行事其犖犖大者未嘗不散見於集中此道凝所爲拳拳奉持而常懼有失墜者

何端簡公集

序

一

也公未弱冠舉於鄉四十餘第進士改翰林不數年驟躋開府宦轍所至聲施赫然予蓋反覆於公之奏疏論序及紀

恩應

制諸作而知公上不負吾

君下不負吾學者皆公正心誠意之本有以貫終始

而徹內外也始公嘗爲莒州學正矣嚴訓規條教督

有法時比之胡安定許魯齋居諫垣時條除弊政主

試江西却坊金之餽視學浙江公明交頌都轉淮南

鹽課兩益其巡撫貴州也控禦苗疆動合宸要其總督直隸也察吏弭盜民胥畏懷公生平敦孝友崇志節其學以窮理盡性爲程以躬行實踐爲要湛通經術博綜史氏故其發爲詩文質而不俚華而不縛其味深而醇其體峻而潔其氣清而腴同時李文貞王文簡輒口推重然則如公者所謂理學也經濟也文章也一以貫之而已矣予於公爲翰林後輩今來督學又於公之鄉景行仰山朝宗學海予誠何幸而獲挂名簡末也耶

何端簡公集

序

二

道光乙巳秋八月後學吳江殷壽彭謹序

何端簡公集

編次

雲南鹽法道前知山東濟南府事廬陵後學王贈芳

湖北按察使前任山東兗沂曹濟道侯官後學陳功

山東登萊青道前知濟南府事大興後學王鎮

前任廣東惠潮嘉道長山後學李本倫

山東候補知府前任登州府知府洛陽後學張輔

參閱

鄒平舉人成瑾

掖縣拔貢候選知縣李圖

何端簡公集卷

冠縣廩生趙汝毅

淄川廩生李鳳諾

濟陽附生李廣方正高積階

歷城附生朱賜田

同邑貢生胡公桓

同邑舉人張繹武

同邑附生張亦坡

同邑廩生王維潛

曾孫桐元孫商霖

承復承泰承壯

輯來孫道顯校刊

何端簡公集

卷首

國史本傳

神道碑

墓誌

墓誌

傳

新城後志本傳

年譜

少保大學士 張廷玉

太保大學士 鄂爾泰

通政司參議 孫勳

翰林院檢討 齊召南

新城舉人 張象津

安徽黟縣舉人 俞正燮

五

何端簡公集卷首

國史本傳

何世璠山東新城人由舉人授莒州學正康熙四十八年進士改庶吉士散館授檢討五十九年充山西鄉試副考官尋授山西道監察御史雍正元年二月充江西鄉試正考官七月提督浙江學政二年遷兩淮鹽運使三年擢貴州巡撫

訓諭曰爾不可惟務虛名而廢實事不可但求潔已而不奉公不可以生事爲振作毋偏柔善以盜寬仁

傳

一

之譽母事姑息以邀屬員之感毋徇友朋之情毋受權要之託爾之操守素爲朕知再武備不宜懈弛南蠻雖蠢然亦人也若實意撫恤令其知感管伍整肅令其知威可保無事恩威不可偏用鑒別屬員不可盡以科甲爲人才而他途爲小人凡事虛衷秉公勿蓄成見平心以待何事不得其理也時廣順州長寨等處建營房狎苗以妨已出入堵石阻梗前署巡撫石禮哈提督馬會伯商之總督鄂爾泰進兵勦除世璠疏言狎苗固克肆亦有弱強良頑不可驟行進勦

恐大兵所到玉石難分臣仰體

皇上好生之德札囑提臣嚴飭將弁毋恃勇躁進先宣布皇上德威令歸誠就撫倘怙惡不悛卽與督提二臣

相機行事得

旨鄂爾泰非尋常督撫可比其才既優心復公誠類斯等事當聽其指揮不可另立己見掣肘以失機宜嗣官兵攻破谷隆長寨者貢羊成等處擒首惡阿革阿瑪及從充川販等

諭曰狎苗擾害石禮哈署巡撫時卽奏稱應勦何世

傳

二

璠則奏稱應撫言武員好大喜功貪圖議敘且狎苗葑箭銛利地勢險阻不易成事曾下

旨令其招撫並不能有所招撫何世璠從前見事不明性又懦弱未必能審完此案著交鄂爾泰訊究定議並安插撫恤

上以世璠書迂未能振作欲易他人撫黔

諭鄂爾泰據實奏聞鄂爾泰奏世璠雖拘謹然於官方民事實心實力勤率幹辦而知人解事亦出揚名時上仍請留黔俾臣得同心協力依次料理五年二

月疏言鎮寧州屬康佐司土官薛世乾以罪革職子幼不能承襲請將地方歸鎮寧州管轄下部議行閏三月疏請開羊角柞子白蜡三礦廠及白果樹小河一鹽井又言黔粵以紅江爲界南屬粵之西隆州北屬黔之普安州而粵有十餘寨插入江北粵儂勾引潛匿劫爭多事欲杜爭端莫若先正疆界劃江而理沿江設汛以杜粵儂往來則引匪焚擄之患可息惟謬冲之花衣本屬楚省靖州轄逼近五開負固出沒行劫今既歸黔省無論其村寨是楚是黔臣等謹遵

傳

三

擒拏盜賊無分此疆彼界之

諭旨隨咨督提二臣俱會楚省督撫臣擒剿然後委

勘定界以專職守

上嘉納之是年貴東道李日更劾世璠隱匿民難寘

賓誤政接見秀才講書課文以大吏而行教官之事

濫准詞訟沿街收控以憲臣而行有司之事又護庇

屬員詳揭虧空倉糧者多不參處

上恐其中有別情下其奏於鄂爾泰令據實覈覆並

調日更來京詢問會世璠別奏三事

上謂其巧詐並調世璠來京欲令與日更對質而鄂爾泰言日更所奏皆虛且多矛盾實因去年奉旨保舉人才日更求世璠保舉不允蓄怨誣劾六年二月

諭曰何世璠所奏三事甚屬巧詐如烏蒙等兇苗悉行勦撫黎平接壤之謬冲等苗陸續就擒實鄂爾泰之功今世璠攘爲己功且陳述其調度之策善後之方大言不慙莫此爲甚又如貴州官莊學租米穀名爲散給貧寒實爲巡撫司道衙門供應石禮哈奏將

傳

四

來變價以充各官養廉欲與衆官公用此米穀也蓋

不但沽名而且並收其利矣又世璠奏通省收成豐

足與李日更所奏懸殊日更所奏或過甚然豈全無

影響世璠粉飾陳奏隱顯顯然俟世璠到京大學士

九卿將此詢問令其明白回奏世璠至京

上覽奏以世璠日更二人所奏瑣屑不必質對並

諭曰何世璠謹慎老成但過於柔善不宜巡撫之任

著留京以侍郎補尋補刑部額外侍郎改戶部右侍

郎四月調吏部右侍郎五月

命署直隸總督七年卒遺疏奏懇封贈祖父得旨何世璠老成謹慎端方廉潔署理直隸總督以來實心供職應得恤典該部照例議奏外著加禮部尚書銜併於司庫內賞給銀一千兩爲伊歸櫬之費所請祖父封典着照特加禮部尚書銜給與尋賜祭葬如例謚端簡

傳

五

皇清誥授資政大夫吏部右侍郎署直隸總督事加贈禮部尚書何端簡公神道碑銘

雍正七年正月辛未資政大夫吏部右侍郎署直隸總督事何公終於官

天子聞之軫悼遣官致祭

詔禮臣議卹典加贈禮部尚書

賜帑千金

上親定謚曰端簡喪還

命所過郡縣有司奠醢公於是可謂極哀榮之盛典

碑銘

一

矣案狀公諱世璠字澹菴一字坦園鐵山其號也生有異稟人曰爲神童七歲工制義里中宿老深歎異之家貧不能得書每於鄰塾攜經史歸過目輒成誦爲文頃刻千言學使拔冠軍旋食廩餼甲子魁鄉薦數上公車不第安貧力學雖絀褐不完藜藿自給而讀書精舍蕭然自得常慕范文正公先憂後樂之言以經濟爲務蓋其器識過人遠矣辛巳授莒州學正莒故山僻地土鮮知學公至則嚴立學規訓以明經砥行

士皆循循雅飭雖安定之教蘇湖無多讓焉已
丑成進士安溪李文貞公主試得公卷謂有儒
者氣象撤棘後知公素養每以理學稱之選庶
吉士授檢討充

大清一統志纂修官恭遇

聖祖仁皇帝萬壽覃恩得晉一階贈封考妣旋丁繼母

憂服闋起原官庚子典山西試士論翕服

皇上御極元年正月

特旨授山西道監察御史上疏奏事稱

碑銘

二

旨賜賚有加二月

命典江西試所取亦極一時之選前此主試輒以士

子坊金爲贍餽公曰朝廷經制所以獎勵士子

豈可以私廢公拒不受復

命宦

上意有至公至明之諭卽日

命視學浙江公旣清節素著夤緣請託一不得行樊

寶剔除務盡而又不以苛刻爲明其整飭士習

也每與諸生講論誠意母欺之學終日不倦聞

者感動學租悉以散給貧諸生不毫髮染指公
明廉幹浙人心悅服之試未竣有

詔命至淮上去之日士子挽舟泣留幾不能行尋授

兩淮鹽運使鹽政蠹壞久矣而公自矢清勤惟

以恤商裕課爲務積弊頓清地方養廉取給日

用而已節省贏餘充公用是歲海潮泛溢

宸衷軫念災黎發帑金三萬分賑公承宣爲最力云

三年十一月擢貴州巡撫時滇黔總制鄂公以

忠勤幹濟爲

碑銘

三

廟堂倚重方極意綏輯民苗以仰副

聖天子一視同仁之意公與協心一力於地方利弊

詳悉經畫長寨烏蒙鎮雄泗城謬冲諸苗次第

勦撫羽檄交馳公籌運糧餉士飽馬騰尅日奏

績又爲化誨生苗之法令薙髮衣服如制賞銀

帽以示鼓勵一歲中所化苗寨不下萬餘人蓋

聖世承平日久聲教遠敷地方大吏能宣布

朝廷德意以是卉服椎髻之氓向風慕義愿爲內屬

者所在多有而公之盡心經理相度形勢爲巖

疆久遠計尤極周詳曲至未嘗一日不盡厥心也六年二月被

召入都

天子知公恪謹純白有古大臣風範於是谷公益厚卽擢刑部侍郎改戶部復改吏部一歲屢遷優獎特至未幾直隸總督缺出

天子念畿輔重地惟公清正可任遂以

命公公年雖六十餘而刻苦勞動早衰多疾病陳情不許下車之後與協理侍郎劉公和衷共濟延

碑銘

四

訪境內事詳悉無遺恪遵

訓旨以察吏弭盜爲安民要務實心殫力一一清釐

屬吏望風震肅已酉正月巡察御史至傳

旨諭以用心勿太過蓋

聖主深知公事必躬親鉅細不遺慮其年高精力不

勝而公竟以是盡瘁比御史以正月壬申至公

已先一日終矣嗚呼公起家寒素位至封疆大

吏一以誠恪潔清自勵苞苴請謁之事絕不得

干其於國政民隱夙夜訪求熟思審處一破

循苟且之陋習以是上結

主知下孚物望卓然爲一代正直之臣公蓋可以無

遺憾矣公至性純篤齟齬失恃事繼母得歡心

丁贈公憂哀毀骨立遠近稱爲孝子念祖父母

未邀封典每言及輒流涕遺疏上請終蒙

恩贈豈非移孝作忠者歟公於詩學獨能抒寫性情

以淳古淡宕標舉宗旨同邑王尚書深愛重焉

其後仕宦留題如簾銘體多可述而誌者公生

於康熙五年二月初九日卒於雍正七年正月

碑銘

五

二十六日享年六十有四先世棗強人遠祖諱

古用始著籍濟南之新城曾祖諱坤祖諱國鼎

生二子長諱觀光次諱毓光公父也祖父皆贈

如公官祖妣孫氏妣李氏繼妣王氏皆贈夫人

元配徐氏誥封夫人子四體仁丙午副榜

特授浙江諸暨縣知縣秉義甲辰舉人崇禮縣學生

蘊智女子二一適齊東廩生張思謙一適益都

張虞修孫七人淑洙縣學增生淑溥淑津淑潯

淑江淑淮淑漢孫女四人一適甲午舉人李基

瑄一適生員張爲己一適王信圭一未字曾孫
女一人體仁等卜以十二月初二日葬公於孝
水之南原請余文其隧道之碑因敘述梗概而
繫之以銘銘曰

儒術之尊豈惟身榮一德一心爲

帝股肱朝仰令儀野懷善政典重酬庸易名錫命矯
矯何公和而不同寧澹爲志清節是崇視學堯
鹽風清弊絕緩撫邊疆威行信結受

詔來京一歲三遷屢決大議其言炳然

碑銘

六

天子知公更委重寄奕奕黃圖卹膏遠被非公之賢
何以勸忠盡瘁事國

恩禮始終獲上治民惟誠斯格翼翼小心

天威咫尺人亦有言清慎與勤勤施清節惟慎乃成

績著旂常星歸箕尾棠樹留陰載歌樂只泰山

峩峩泗水湯湯佳城葱鬱豐碑煜煌昭茲來許

子孫勿替恩厚寵榮以克永世

賜進士出身光祿大夫

經筵日講官起居注少保兼太子太保保和殿大

學士兼管吏部戶部尚書事仍管翰林院掌院
學士事加二級年家眷弟張廷玉頓首拜撰

碑銘

七

墓表

惟我

皇上御極以來丕釐庶物光紹前謨其於內外臣工簡厥修能別其猷守嚴飭官箴用昭勸戒一時公卿大夫無不爭相濯磨勵精自効名臣踵興而吾友鐵山何公尤矯然特起卓立羣倫以誠篤無欺爲本以清正和平爲用忠孝得之性情經濟原於學問故其敬上恤下愛民好士通商裕國興文布武輯邊綏彝之道莫不行之有條施之有漸循分盡職稱物咸宜

墓表

一

不希名而名自至不冀勲而勲自高是以上沐

主知下孚與望生榮死哀中外胥服嗚呼此古所稱君子人也予心識之久矣雍正癸卯予司藩江蘇公視學兩浙吳山越水擊柝相聞而光風時雨謳吟之聲早已傳來鄰境明年

上嘉其操調理兩淮離政道經閭閻過從傾倒扣其胸中殊有本源躬行實踐恥蹈浮華求之儒臣殆不多得明年子奉

命總制滇黔而公亦

時簡黔撫時予以清理苗疆歲往巡黔如長寨泗城烏蒙鎮雄謬冲歸化古州八萬清江九股之屬與公手口擘畫凡予言無不愜公意而公亦時爲予慷慨指陳罔所瞻顧蓋其志同道合故意相得心相體也既別則郵筒往還不絕於道而隻字片紙交從一腔血誠中流出每有一事而論至數千言一函而書至數十紙者共此忠

君愛國之忱不厭精詳而按之無一閒剩句也洎公奉

墓表

二

召入都三歷卿署總制直隸忽以考終卒於保定返

葬新城

聖心悲悼

恩恤頻加保和殿大學士張公撰神道碑文華殿大學士蔣公誌其墓而公之諸孤復相語曰知我先大夫無有如少保西林夫子者雖遠在萬里必得一言以表我先大夫其不朽遂寓書呼號并述行狀以請子哭而受之其時邊務倥傯又以聞音哀咽未能一辭以報也及辛亥冬子荷

恩命入

觀公之叔子崇禮復親來都門匍匐以請而予仰承聖眷朝夕侍

顧問寅入戌出歸第時漏聲率已頻下唯就宗祠與諸同父連牀聚話不一二時復起趨

朝欲一省先墓且靡及矧暇以筆墨相酬答乎獨公之墓表不忍更緩乃刻燭披淚以成之公諱世基姓

何氏字潛菴一字坦園號鐵山學者稱鐵山先生先世直隸聚強人遠祖諱古用遷濟南新城十傳至祖

墓表

三

諱國鼎文行重鄉黨生二子長諱觀光次卽公父諱

毓光皆名諸生稱二何祖父俱以公貴並贈禮部尚

書祖妣孫妣李繼妣王皆贈夫人公生五歲日誦數

千言六歲母卒哀毀如成人七歲工制藝鄉先輩王

宛西見而奇之贈以詩曰七歲爾能文應號甘露頂

遂有神童之目家貧少書每至鄰塾取經史子集以

次借觀過目輒不忘出試童子冠一軍旋食餼甲子

年十九以第四人魁禮經辛巳授莒州學正嚴條規

訓以正學士皆有儀法當事咸聞而歎曰胡安定教

湖州許魯齋掌文學不是過也父贈公春秋高迎養

於官贈公卒返樞居廬三年不內服除舉康熙己丑進士安溪李文貞公得公卷謂有儒者氣象榜發公

往謁每以理學屬之選庶吉士時繼母王太夫人亦春秋高旋請假省母爲文告祖父有四不欺之語詳

家乘謂不欺天地不欺鬼神不欺君親不欺僚友也辛卯迎母京邸壬辰授檢討充

大清一統志纂修官覃恩加一級追贈父母如官封繼母王太夫人既而

墓表

四

母思東歸請隨侍母不許乙未以計開哀毀誠敬如

喪贈公時服闋充山西副考官癸卯上之雍正元年擢山西道監察御史協理山東道事

以職司言路銘以自警曰正而心誠而意注意於清

明之天措心於廣大之地母涉傾側母近險陂參前

倚衡須臾弗離是年

覃恩加贈父母如官充江西正考官前後得人稱極

盛例以孝廉坊金爲贐公峻辭以拒復

命之日

天顏大悅嘆曰如何世璠公明兼至矣卽日授浙江
政釐積弊杜苞苴正文體端士習崇實學黜虛名
極孤寒拔明經獎誘士類孜孜不倦一以誠意正心
爲鵠的試未竣遷運使權鹽兩淮勾稽上計公私大
便而家不名一錢旋擢貴州巡撫敦趨適予以平苗
軍興旁午得公畢籌畫轉輸資給用能有成功歸故
入滇門戶舊止羊腸一綫縱則千有餘里橫止數里
多不過數十里官道之旁四望嶺外盡苗窟盤踞於
川粵楚黔之中據其腹心以擾邊界標掠劫殺無虛

墓表

五

日爲民患甚劇今皆歸中土設流官輪租賦入版圖
拓地千里數倍於前者公贊襄之力居多六年二月
公入應

召示以謗書一匣且曰朕知卿無以也授刑部額外
侍郎尋晉戶部右侍郎轉吏部仍管刑部事每奏讞
上目送之曰何世璠信讀書明理人
召署直隸總督事以老病辭不許入對稱
旨

上嘉悅時盛暑汗流被體中使解衣

賜賁甚厚公感泣力疾赴任屬吏望風振肅公虛心
延訪地方利弊推誠置腹諄復開導恪遵
諭旨以察吏弭盜爲安民要務事無鉅細必躬必親
自旦至昏日不遑暇精氣以耗明年春
上遣御史往諭何世璠夙著勤勞今年已高恐用心
太過宜節養精神以規遠大母親細事前請陛見以
地開緊要朕故未許來也旣至公已先一日卒是公
之一誠感動上徹
九重早知其精神匱竭不能久留矣

墓表

六

上閱協督劉公奏知公病劇遣太醫馳往調治遺疏
尋入慟悼彌日

詔曰何世璠老成持重端方廉潔實心供職畿輔重
地正資料理忽聞溘逝朕心深爲惻惻遣官致祭贈
禮部尚書給帑千金爲歸櫬資

上親詣口端簡公喪還

命所過地方文武官員親往奠醊并遣人護送入城
治喪給與全葬

勅建豐碑其遺疏所請祖父封典各加贈禮部尚書